

唐呂岩鴈蕩山磨崖詩石刻

盤過千溪百疊山洞開龍鼻水瀑々味具山靈留一孔  
九秋久旱作甘泉

大將軍虞都楊宗業觀兵海上歷四明登甌之雁蕩  
留題龍鼻泉時戊申歲東海回道士書

按題跋乃楊詩非呂詩雁山志載其事而不載其  
詩竟以為呂祖所題者誤楊宗業不知何時人戊  
申亦不紀時代相傳為宋元時石刻今附宋刻後

温州金石志

共 4 册 存 4 册 排架号 00399

梁馬真人石刻詩 行書字大徑三四寸不等

昔日曾隨魏伯陽  
經年醉卧紫金牀  
東皇道我多情  
嬾罰向人間作酒狂

何用燒丹學駐顏  
闌非城市靜非山  
時人若覓長生  
藥對景無心是大還

右石刻詩二首在瑞安西峴山磨崖大書相傳為馬  
真人所題瑞安縣志馬湘字自然杭州鹽官人至安  
固卜居西峴山下時有紫霞覆其居性善飲斗酒不  
醉人有疾即于地上取土雜草木與之無不愈者曾

於峴山周圍鑿二十八井以嚴鬱攸之灾遂捨所居  
為寺名棲霞後與其徒王延叟煉丹於松山西壑有  
雙鶴翔舞一夕跨鶴上昇今丹竈井臼存焉至宋時  
與紫陽真人張平叔遇事見金丹四百字序中按續  
神仙傳湘好經史攻文學徧遊天下所遊之處宮觀  
巖洞多題詩句後歸故鄉梁大同十一年奏馬自然  
白日飛昇

瑞安紫霞山三字題名即西峴山  
朱榻

達之說是也惟文達云咸通時武肅尚未生則誤  
考史言武肅薨於唐長興三年年八十一與備史  
所載大中六年壬申二月十六日生以年計之適  
合與國春秋  
備史同然則咸通庚辰武肅年九歲矣從董  
昌討王郢乃乾符二年事故云二十四歲文達誤  
記乾宣二年而未核武肅之生卒故其說如此

鐔自甫戶載領啟於康樂市  
巖殿東荆為告屋遍植花柳

隸華蓋山碑遺置華園  
應身與添奇果時  
中昌歲清吧因彭城  
輔軒記  
亦及來

舊缺五字今於添字上得一龔字其上四字尚有  
修字可辨餘則不可知矣光緒元年摹搨本

劉恒觀謝巖篆刻記庚辰甲申辨劉恒字孟貞永嘉人

飛霞洞崖上錢鐸題名有庚辰領郡甲申歲記之文劉  
恒以為咸通元年之庚辰而以鐸建瑞鹿寺在咸通四  
年實之遂定為唐時石刻其說甚辨然嘗考鐸生於昭  
宗大順二年辛亥其父英顯王卒於昭宗乾寧二年乙  
卯鐸方五歲武肅王為其長兄鞠育之及武肅薨鐸請  
服通喪以報之時年四十二歲鐸卒於開運二年乙巳  
年五十一據此則庚辰為武肅建元天寶之十三年甲  
申為寶大元年阮相國金石志據十國春秋考核甚精

足以証舊志之謬惟云武肅長於鐸十九年則又誤矣  
武肅當長  
鐸四十年若以為咸通之庚辰則其父英顯王年僅二十

六歲安得有子為刺史之理可不辨而自明矣至瑞慶  
寺康熙乾隆志俱云建於咸通中而不著錢鐸之名未  
知其何所據也大約志書所載寺院某寺建於唐咸通  
某寺建於石晉天福此皆僧人及佞佛者憑空臆說而  
並無一實蹟可據修志者亦以為真古蹟遂沿而不削  
耳 又職官志列錢鐸名以為宣宗時任不知庚辰乃  
後梁之貞明六年也宜列李廣琛之次

宋謝泌謝客巖題名 王書字徑一寸許

只我今來嗣後塵 塵字另一行高與只字並

子孫千載知多少

登臨盡日動悲辛

舊刻巖前文字在

遠孫泌述

右刻五行在謝客巖之上方側面字俱右行下有

遠孫泌述四字初疑為謝泌所作攷職官志無其

人按宋史泌字宗源歙州人登進士第歷事太宗

真宗拜左右諫議大夫任直敢言知湖蘇同福襄  
五州民懷其愛刻石以紀去思咸平五年同知貢  
舉知銀臺司出為兩浙轉運徙知福州此必道經  
温州作也又攷浙江通志知湖州軍與轉運使兩  
見蓋出知湖州在太宗時咸平為轉運使耳此刻  
人多未見以其在巖旁高處遊者目力所不到余  
於飛霞洞口仰面得之初只見二十六字內只我  
二字認作三秋疑其平仄不諧次免文僞於數日  
後往觀始得嗣後塵三字多少字辛字及只我二  
字方成全璧惜巖高不能搨耳 又巖旁左崖尚  
有今已傾綠苔生六字兩行並寫此必七絕一首  
崖之上半石泐無存故僅此六字附識於此

宋胡昉

飛霞洞題名正書

天聖七年十月

十日

胡昉

按通志胡昉官知杭州軍州事在孝宗時與題名

當另是一人

天聖七年相去一百三十四年其鄉貫亦無考字

徑一寸八分在飛霞洞崖上高處下有神龕為目

力所不到巖旁大樹掩蓋其上亦為風日所不能

侵汪子堅司諭攀藤附葛緣崖而上乃得之前此

未之見也 又按浙江通志碑碣門有等慈禪寺  
釋迦文佛像記慶歷五年太常博士胡昉記碑在  
上虞縣當即此胡昉蓋天聖七年至慶歷五年乙  
酉相去止十七年

宋薛孺卿等飛霞洞題名篆書

二月九日

天聖十年

觀尉高汝

口之簿曹

御邑宰陳

棘丞薛孺

右見郡志劉恒觀謝巖篆刻記青石碑在巖背篆刻  
有二其一云棘寺薛孺御邑宰陳口之簿曹觀尉亭



汶字方四寸許其一即錢鐸題記見前孫同元永嘉  
聞見錄云屋上有石刻篆書二其一云棘丞薛孺卿  
邑宰陳勳會農云之簿曹觀尉高汝凡四行十六字  
俱右行右有天聖十年式月九日小篆字二行亦右  
行府志誤以丞字為寺字高字為亭字小篆款亦失  
載據此則兩人學博司鐸永嘉時是刻尚未蕪沒今  
僅三四十餘年屢次尋訪不得余於前人未見之宋刻  
搜羅十餘種頗矜剏獲而獨遺此不可解也棘丞者  
疑提點刑獄之屬官攷宋史職官志熙寧六年置諸

路提刑司檢法官紹興初兩浙路以疆封濶遠差提  
刑二員其屬有檢法官幹辦官薛孺卿無攷曹觀高  
汝二人郡縣志俱失載

宋曹觀飛霞洞題名并詩

巖前春草萋萋色

巖上春風淡淡陰

數百年前無謝客

口口依舊到如今

曹觀

右刻在飛霞洞內鄭賡等題名之次正書共五行  
行七字第五行觀字下似尚有字不可辨此刻亦  
前人所未見以石質甚粗僅一曹字可認此外亦

只有色字今字尚顯蓋因向築神龕於旁為蜃反  
所蓋初不知其有字跡也乃剝去灰跡洗刷數過  
手搨一紙可辨者尚未及半携歸尋繹始得此詩  
僅缺二字耳曹觀為永嘉簿見薛孺御題名石刻  
時在天聖十年此其同時所作也

宋馬尋等謝客巖題名

十二日題

歷甲申季冬

元亨同遊慶

馬尋左謹董

右題字四行在謝客巖磨崖大字之右當客字之  
旁正書徑一寸字俱右行慶歷乃仁宗年號甲申  
其四年也馬尋攷浙江通志項城人知湖州軍兩  
浙提點刑獄處州麗水廩生王尚忠云須城人舉

仍置在卷末  
以別於前

毛詩學究判大理寺明習法律歷提點兩浙陝西  
刑獄廣東淮南兩浙轉運知湖撫汝襄洪宣鄧滑  
八州終司農卿處州石門洞亦有馬尋題名見枯  
蒼金石志左瑾以都官外郎知温州軍州事董元  
亨慶歷寶元間通判俱見郡志職官

宋劉述飛霞洞題名并詩正書

重刻孫謝二公詩

吳興劉述

漢興文藝推儒首諫議才

能口口師更向謝巖口

巖句清風千古照江湄

皇祐四年十月十五日

右字六行在飛霞洞題名碑之右邊崖上字徑一  
寸五分孫同元永嘉聞見錄云字跡模糊難以摹

認其可辨者僅重刻孫謝二公詩吳興劉述漢文  
藝推儒首諫議才能師更向廛日清風千古照等  
字余悉心辨認惟日字為句字之訛乃携搨本歸  
懸之齋壁復得未識之字十八字止缺三字耳劉  
述字孝叔湖州人舉進士知溫雅真三州提點江西刑獄官尋授御史  
宋仁宗時郡守見郡志職官第一行重刻孫謝  
二公詩云云不知處所而詩中漢興文藝二語接  
之孫謝二公亦不合未知其何所指也

宋東山下井闌石刻 正書

開元寺僧利卿

謹捨淨賄壹拾叁貫文有

餘重脩義井一口并置井

闌甃砌等所期福利上答

四恩下資三有者

時至和元年甲午歲十一

月二十七日題記耳

右井闌上石刻在今東山書院謝公祠前半在墻

內半在墻外居民公汲故曰義井題字七行正書  
字徑一寸五分凡六十一字首行六字五行七字  
七行八字餘四行十字孫同元永嘉聞見錄云  
淨賄二字甚新淨財屢見唐宋石刻淨賄罕見又  
云題記下耳字可笑然檢唐宋人捨塔等石刻題  
字嘗用耳字作收大抵相沿成習不求甚解也

宋陳求古等題名 正書

題名 二字橫書于上

至和二年歲次乙未夏六月下旬休新釀報熟佳果探  
成清泉可漱芳樹堪倚郡守陳求古率通判王希顏邑  
令孫奕台僕陳確從事趙頡杜仁壽會于巖石之上醉  
書以記

和詒讓按右刻在永嘉縣積穀山飛霞洞正書題額

二字徑三寸許文五行字徑二寸許道勁似顏清  
臣陳求古字師之閩州西水人同中書門下平章

事堯佐之次子見歐陽修居士集二十此其守溫  
州時所題孫奕至和間永嘉令見乾隆郡志職官  
台幙者玉篇巾部幕亦作幙孫同元永嘉間見錄  
云處州麗水南明高陽洞亦有郡幙劉輔之題名  
可以互證梁章鉅浪跡續談云台幙猶今人之稱  
憲幕耳此碑舊為妄人用磚瓦於其外砌一神龕  
故郡志所載碑文二年下奪歲次二字台字下奪  
幙陳確從事趙頡杜仁壽十字孫同元始從故家  
得拓本全文讀之今其龕已廢碑居然可椎搨矣

余嘗手搨一本藏于家惜孫梁二君不及見也然  
攷此碑孫淵如先生訪碑錄六嘗著錄至兩浙金  
石志僅於大滌洞題名下云陳求古有永嘉縣積  
穀山飛霞洞至和二年六月題名而全文則未之  
載蓋文達撫浙時碑已為神龕所掩無從得其墨  
本今距文達之去浙將四五十年而是碑復出物  
之顯晦誠有時哉碑內書報作報从秉則古所無  
也

按此碑題名二字橫額大徑五寸許文作六行每

行十一字字徑二三寸不等孫孝廉所述尚有小  
誤今正之幕亦作幙宋元祐令京府判官至軍監  
判官為幕職官皆從八品又有推官書記文使錄  
事之屬或奏充或自辟除與今之經歷照磨相類  
非幕友比也梁中丞浪跡續談以台幕為猶今人  
之稱憲幕亦殊失考竊意郡幙為本郡幕官台幙  
或為台郡幕官耳

宋鄭賡等題名 正書

至和二年十有二月望日鄭賡王奎軫林瑾沈珙同飲  
餞陳象古妣知本知讓

取詒讓按右刻二行在永嘉縣飛霞洞正書摩崖字

道勁與陳求古題名同攷歐陽文忠陳堯佐神道  
碑象古為堯佐少子求古弟也知本求古子見求  
古大滌洞題名妣玉篇女部或音逸與姪同

按右刻三行非二行每行十字字徑二三寸不等  
在飛霞洞題名碑之左旁崖上與題名碑字跡相



同當是一人手筆又按趙清獻公集有贈鄭賡高  
士詩乃就養來甌徃還贈答之作詩云易有幽人  
象天垂霞士星知音辭相府歸養為親庭下注云  
杜祁公范文正公昔留門下後以思親辭歸等語  
郡志隱逸傳鄭泰臣永嘉人遊京師見知於杜祈  
公范文正公款待甚厚一日思親遂辭歸則泰臣  
即鄭賡之字無疑王奎軫等三人蓋不可攷矣

宋韓奕等飛霞觀山麓題名

丙申閏三月十四日永

嘉令韓奕尉刁縞進士

鄭前石不疑同游謝岩

右二十七字三行大徑四寸許正書在飛霞觀石  
磴旁韓奕永嘉令見郡縣志刁縞志書失載鄭前  
石不疑皆不可攷丙申為宋仁宗嘉祐九年也

宋任逵等飛霞洞題名正書

戊秋八月二十八日題

郎齊景倩遊此熙寧庚

書閣邱昕通判尚書外

逵按部永嘉同郡守尚

提點刑獄度支郎中任

右刻五行在飛霞洞側錢鐸題名大篆之右兩屋  
相附巖稍偏向東遊者或不及諦視遂無人道及  
余初得此刻僅於苔蘚中見度支郎中任五字遂

搜別出之上數行字在隱見間因命工用意推搨亦僅見十餘字携歸審視三數日始十得七八復於職官志中就其字體相近者揣度印證而閻即所齊景倩姓名相合然所見閻齊兩字亦止得其半至熙字見寘字不見庚字見戍字不見則考二人莅官年代並檢紀元編得之永嘉永字亦不見惟於嘉字上尚存一半筆乃以意會永字上尚有二字尚可難於揣測矣任達之為提點刑獄浙江通志不載可藉此以補其闕

宋熙寧壬子淨光塔塼

宋神宗五年塔塼高九寸闊五寸厚一寸五分

按淨光塔在松臺山巔

熙寧壬子李二娘捨塼

初建於唐元和中為宿

右九字在塼之右方字徑一寸

覺禪師真身塔賜名淨

大乘妙法蓮華經

光宗太宗賜扁曰宿覺

右七字在塼之左方刻塼一座七級每級一字

名山其後重建於熙寧

五年即此塼是也每塼刻有一塔高約寸或刻

在左方則其右方有年號及捨塼人姓氏皆婦人

無男子其塔每級各有字或刻一塔於塼之中心

亦有塔字而無款如後磚

淨光塔第二磚

磚正面有塔塔尖約高三寸許有延年益壽四字  
字下七級每級一字同前

右二磚郭熙堂家所藏

寶塔磚

上缺李子陵并母王十一娘妻吳二十八娘男  
新婦孫二十四娘同捨寶塔磚一万斤  
口故李九郎前妻余二十一娘徃生者

右磚上缺數字孫蘭卿茂才家所藏亦係淨光塔  
磚也

淨光塔宋甄二種 正書

重建淨光塔甄 前都孔目官胡拱捨熙寧壬子七月

日記

重建淨光塔磚 前都孔目 熙寧六

右淨光塔甄二藏余家塔在郡城松臺山頂唐宿覺禪師瘞處明時圯斷甃殘甄數百年來為好事者所收所在多有此二種皆余從郡中覓得前一種字尚完好為熙寧壬子胡拱捨甄重建時記光作光尚遵篆法甄作甄則不合六書矣後一種文

與前畧同惟前甄壬子為熙寧五年此則六年也

又光不作光甄又作磚熙寧作熙寧皆俗體也

余嘗見熙寧元寶錢亦二甄皆上六字居中大書有熙作熙寧作寧者

後餘十六字稍小分作兩行注於上六字下次甄下二行各缺其半胡拱疑亦郡人今不可考矣

宋吳君平飛霞洞內題名 行書

令吳君平

常父遊

元祐二年丁卯冬

至後一日叔賢侍

右刻在飛霞洞內題名碑之右崖上字徑三寸許  
行書筆勢翔舞後二行字徑一寸許叔賢當即吳  
君之子又大字中間有辛酉十月廿八河南八字  
殘刻以下不可辨竊疑是刻在前下一行為吳刻

所蓋耳君平令永嘉始建縣學見通志

宋莫口中飛霞山麓題名正書

提點刑獄莫口中

知軍州事劉德父

通判張資深知永

嘉吳常父同遊

元祐三年閏十

二月十六日

右刻在飛霞山麓正書五行行七字第四行六字  
末行低一字前四行字徑二寸許莫字下石泐無

存按府志無提點刑獄之官蓋宋時提點兩浙刑  
獄自非温州之官故不著錄攷浙江通志仁宗時  
亦並無莫姓者為提點刑獄殊嫌漏畧又攷郡志  
知軍州事有劉敦疑即德父通判有張逢疑即資  
深永令有吳君平即常父別見洞內題名皆元祐  
時官温州其名與字又適相合也此條又見雨人  
學博聞見錄中

宋譙樓前五福橋石柱永嘉水則正書

平字上高七寸合開陡門

永嘉水則至平字諸鄉合宜 平

平字下低三寸合閉陡門

宋元祐三年立

永嘉縣志在譙樓前五福橋西北第二間石柱今  
按在西北第一石柱字在北面大徑三寸五分字  
作三行寫下平字居中大倍之宋元祐三年立六  
字刻在右邊



宋鐵井闌題字

慶元戊午口

年九月口口

常寺住口

比邱口口

重鑄

兩浙金石志十右題字在永嘉縣興文坊社原社誤

坊今廟前

詔讓紫井在永嘉城內其巷今俗稱天井闌音之

誤也。也有妄人於鐵闌外重圍以石闌題字遂不  
可復見。幸金石志載之得以不佚。然以文義推之前  
四行似當每行皆四字。月字下惟缺一字。午字下  
則無所缺。金石志偶衍二方圓耳。然拓本今未見  
姑仍其舊。戊午則慶元四年也。

改正鐵井闌國內題字正書五行

重鑄

比邱

常寺住山

年九月日

慶元戊午

戊午年  
慶元四年  
九月日

改戊午乃慶元四年。此層在井

闌之內。字皆右行。兩浙金石志作左行。非月字住

字下字俱存。午字下本無缺字。比邱下亦無僧名

蓋孫孝廉未見拓本。又未經目驗。誤以為字在井

外。為石所掩。故其辭云爾。

宋開元寺古鐘高五尺許鐘口圍約九尺餘鐘之上下

建炎二年歲次戊申二月二十四日

恭為祝延 今上皇帝萬歲福及郡邑官僚六軍萬姓

前資持住都幹當日僧 道圓立

此係上層第一方

前資持住常裕元豐庚申正月廿四日施五百千鑄造

宣和辛丑兵火燒壞收拾遺料仍千信士重鑄願將功

德荐常裕院宰并幹當僧熙坦每行廿七字作兩行書

此係上層第一方之左在篆帶間

龍泉寶鐘宣和辛丑壞于賊火道圓  
因法器之無傳遂出力而新之鄉貢  
進士蔣偉謹稽首為之頌曰  
真空無相 托於有形 元妙難言  
傳於有聲 形聲不滅 法也大成  
叩之鏘然 非雷非霆 息苦警情  
通幽洞靈 何千萬年 永鎮明庭

此係上層第二方

迪 功 郎 縣 尉 盛 奕 修

迪 功 郎 主 簿 呂 恭 問

儒 林 郎 縣 丞 何 執 藝

宣教郎知縣主管勸農公事兼監鹽場詹夫

此係上層第一方之方為第六方

南無阿彌陀佛

南無十方常住佛 南無本師釋迦牟尼佛

南無彌勒尊佛

此係上層第五方 其餘各方均係捐戶姓名

致府縣志知縣詹夫誤作詹夫縣丞何執藝主簿

呂巷問縣尉盛奕修三人俱失載金石之可貴如此  
按蔣偉永嘉人見郡志選舉紹興五年  
科進士此乃建炎二年未登第時所作故稱鄉貢  
進士後官閩清幹辦

宋鐵井闌圈外題字

元祐辛未僧子暉將楚環陪庫錢銀做此井井依明堂  
所置

按井在温州郡城東南隅興文坊小巷內俗名鐵  
井闌巷口有鐵井名泉四字額井口極大四圍用  
厚鐵鑄成大圓井闌上有元祐辛未云云二十三  
字孫雨人學博永嘉間見錄云鐵久剝蝕字多模糊  
約畧寫恐有錯誤蓋以目驗得之者而字之  
大小每行若干字均不著錄其時在道光中葉今

又三十餘年不知何人於井闌外復用青石周圍  
甃成大圈字為石掩不可得而見矣惜哉攷辛未  
為宋哲宗元祐六年甌郡石刻尚夥而金則罕  
見當以此為最古阮相國兩浙金石志漏未採入  
孫孝廉 詒讓 亦未知井闌有內外二圈遂以南宋  
井闌之字為不可復見百聞不如一見豈不諒哉

宋郡守趙汝誼

嘉熙戊戌 郡守趙汝誼

事暇

春 故址登

月明何處山之

春書巖右是日書

右刻在謝客巖字之右正書五行：十二字首三

行字迹漫漶不可辨惟末二行十二字明顯如新

攷宋史趙汝誼無傳郡志職官趙汝誼為郡守在

嘉熙初年按此行首四字嘉熙戊戌則宣宗二年也

嘉熙乃改年字也  
即係十三年矣

與府志合然通志汝謏作汝談而郡志則無汝談  
考汝談之為溫守見於宋史宜於通志郡志中各  
補一人以彌其闕

米芾書第一山三字

字大徑

尺八寸

瑞安縣志在集雲山左支宋米

芾書第一山三字刻於石按石

高一丈一尺廣九尺厚一尺七

第一山

寸上銳下平偃仆田間百四十

年乾隆乙巳歲邑人朱有光朱

泮鳩工重豎按今石又歌側

將仆矣米芾書款在隱約間

卓忠貞故里明刻石碑三座

明卓忠貞公故里在卓輿

明卓忠貞公遷居故里在滄洲

明卓忠貞公讀書處在寶香山

按忠貞錄萬歷戊申冬督學陳大綬行部按東甌

命邑令張如霖求公裔孫守相並鑄石碑三座今

俱存

壺山普濟寺古鐘

在永嘉西溪四十六都元至元間寺僧募鑄見孫邦僑答樵記未損



宋妙果寺古鐘

宋

字徑一寸

按志稱妙果寺古鐘相傳靈異不著時代此鐘今在

山<sup>門</sup>內地上以瓦屋覆之每歲清明及中元下元祭

厲壇之日兒童千百麇聚以磚石捶擊終日方止

俗傳擊者獲福佑鐘上字跡頗多皆不可辨惟一

宋字尚存知其為宋時物也高不過三尺餘鐘鈕

上古色黝然謠云妙果寺古鐘松臺山仙井皆仙

佛寺踪又名飛來鐘或云猪頭和尚見方寸泊宅編即定先佛也  
猪頭鐘考猪頭和尚見方寸泊宅編即定先佛也

府學明倫堂右大鐘

字大二寸餘四旁俱無款  
元時鐘多有此四字  
一攷宋

皇帝萬歲

宋薛良朋壙誌正書

宋故敷方閣直學士薛公壙識

公姓薛氏諱良朋字季益唐補闕令之之後由閩徙溫其在永嘉則諱弼官至敷文閣待制在瑞安則公官至敷文閣直學士蓋中興相望為名臣公治麗水有聲薦入胄監檢法御史臺丞奉常為尚書郎選知徽州將漕江東二浙守臨安府擢工部侍郎遷吏部以學士出守福泉荆南成都制置四川食祠祿于家十年以淳熙乙巳八月丙子薨年七十階通奉大夫封永嘉郡公贈光

祿大夫薨之明年十月丁酉孤璆琳即所居里之平輿  
原公所自為墳葬焉前事二孤與壻校錄公言行一編  
屬傅良為狀傅良雖生後然與公同鄉晚數得及門受  
教又雅從子姓游以所講聞視今錄尚多闕惟狀當上  
太史氏謝不敢草孤泣訴日於是識曰紹興之季年  
朝廷更用二三大臣所汲引皆當世之選而公繇  
參知政事辛公以進及

今上時陳福公相遂班從臣觀人莫若觀所與公所與  
何如哉方扈  
躡金陵佐戎淮甸  
天子召見

無虛歲人人謂才欲有所撥煩必曰薛某也治且安久  
先進多凋落而公亦老矣歸故廬深與人絕短衣幅巾  
往還樵牧閒公固自忘其為才而上時時記不忘也  
至其以荒政修進直龍圖閣三抗章竟不拜官同產子  
二人而不以及孫則又過人矣曾大父文聳大父京承  
奉郎父得輿累贈正議大夫母許氏右丞忠簡公景衡  
之姪女贈太碩人娶章氏封碩人子男二人璆宣教郎  
知饒州餘干縣琳宣義郎新知福州連江縣三女適林  
彝從政郎新監左藏封椿庫門章伯奮迪功郎前臨安

府富陽縣尉戴閻之宣教郎新知紹興府上虞縣孫五  
人及官者二人邑子陳傅良述

右碑文二十九行正書在瑞安縣帆游鄉鰲鼻近  
年墓地得之文為止齋先生撰今見本集卷四十  
九文句小異如首條標題識作誌唐補闕令之下  
不重之字乙巳八月下無丙子二字薨作卒下薨  
之明年同十月下無丁酉二字孤璆琳作孤某平  
與原平作子屬傅良為狀傅良作某下傅良雖生  
後同日淺上有葬字納諸幽諸作之

元永嘉理學儒志王公遺像十字篆文橫書木額

陽春其益良玉其溫扶輿亦鍾壘七渾七東山講  
道學是尊當伊洛之末作承洙泗之淵源杜淫邪  
路闢皇極之門儒志一編闡道之原賢良三策衛  
道之恒功扶世教澤裕後昆使天假年安知其不  
扣聖人之幽闕也耶作六行寫

元泰定丙寅夏季月望後三日正議大夫海南海

北肅政廉坊使王都中謹贊

碑今碑已剝落明人以摹本移刻於江心寺之謝  
公亭

按王都中字元俞福甯州人元世祖時為兩浙都  
轉運監使司距泰定丙寅四五十年恐係通志之  
誤又寶勝寺後題名有天歷十<sub>已</sub>年元帥王都中書  
已<sub>已</sub>距前泰定丙寅止三年疑即此一人肅政廉  
訪司初名提刑按察司至元二十八年改為肅政  
廉訪司今訪作坊乃鐫刻之誤

元温州路重建廟學記

承事郎江浙等處儒學提舉

謹撰并書

中奉大夫江浙等處行中書省參知政事李

朵兒赤篆蓋

昔謝康樂守東嘉招學講經則自司馬渡江有學  
舊矣厥後沿革廢興以特宋天禧己未改建于九  
星宮故基即今址也治平乙巳紹興庚申丙廷于  
穴其重新也必增美焉嘉熙甲戌徧葺之尤累水  
心葦文定公為記皇元混一至元丙子冬郡穴唯

學獨存延祐改元八月又定乃燬及之時學帑亦  
立多士軫憂總管忽辛公初視事與同知亦帶公  
慨然曰政無急此一志畢力悉以養士租為度材  
鳩工費不給則量儒人力助之而郡察又無不協  
相者是年十一月大成殿成會總管奉檄經界江  
東同知獨任其事四越月總管還治喜曰微同知  
力不及此於是廊廡殿門講堂齋序庖廡為屋百  
有四楹櫺星門三南為淳干繚以周垣百廢具興  
又植松桂竹石前後暎帶以為章逢蒞脩遊息之

地是役也經歷孫德裕府史王偉儒生曹

陳祀

周習甫服勤程督皆能殫力承意以相之分憲按  
視至喜且趣丹雘之未備者宏規偉觀視昔有加  
矣既而監郡脫帖木兒公至任而朶帶公書滿于  
四年之夏同知禿字牙公來代詣學頌瞻輪奐與  
監郡咸歎曰是知急先務矣不可以無紀文學椽  
孔文定章墳前後一詞來請記余乃為之言曰嗟  
夫人力之有功於學棟宇可新也人心之固功於  
學習俗有未新爾東嘉學校士自昔文風為兩浙

取當以時文進取雕刻綺麗惟以悅主釣科科名  
為務水心所謂競省以禦物欲彌綸以通世變者  
自其身而推之天下者未免以逐末務本事外志  
內壞之今庠序復新於人力矣洗人心而一新緊  
誰力乎克己功夫是斷是斷也切磋問辨度薨  
築登也下學而上達升堂而入室百堵興廟奕  
奕也其用力之方在己而已由人乎哉夫當延祐  
改元奉明詔以德行舉人以經術試藝詞章次之  
浮華所不取猗歟盛哉此作新人心一大幸會也

乃庠序之新亦在是年天時人事得非有數存耶  
東嘉士其欽承天子明命惟新是圖則學之有功  
於人又大矣中議大夫温州路總管府達魯花赤  
兼管內勸農事脫帖木兒奉訓大夫同知温州路  
總管府事禿字弓朝列大夫温州路總管府治中  
楊考祥承信校尉温州路總管府判官薩的彌識  
承直郎温州路總管府推官趙許承直郎温州路  
總管府推官蔡汝霖承務郎温州路總管府經歷  
孫德裕將仕郎温州路總管府知事陳天祺將仕



佐郎温州路總管府提控案牘兼照磨承發架閣  
王孝本温州路儒學正章墳學錄林棊監造敦  
武校尉温州路錄事司達魯花赤忙古解  
原刻延祐四年 月 日昭信校尉亞中大夫  
温州路總管兼管內勸農事趙鳳儀立石  
重刻從事郎錄事 圭延祐五年仲春温州路永  
嘉縣尹兼勸農事何玉從事郎温州錄事府  
史金 以下不可辨又有小字兩行  
督修學職載可久  
陳潛國 椿

元橫井卷大井石闌題字

天

至正庚寅

宿

臘月吉日

信士徐順道重建

右石刻在東門內華蓋山下井口四方橫列天宿  
二字於上字徑三寸許下八字兩行徑一寸許末  
一行字又略小共十七字皆正書至正庚寅乃元  
順帝十年也

元重修温州路譙樓記原文

從仕郎福建行書書省檢校官林彬祖撰

集賢直學士亞中大夫兼

皇太子贊善陳達刺麻寔理書并篆額

至正二十五年江刺行省右丞方公既新溫郡之

譙樓士民鮑鉉等以狀請彬祖記其事按譙樓建

自宋之瀉熙中高六楹左右翼各四楹聯以兩廡

東西百步累甃為址下通廣遠上設更鼓千里耳

目攸屬延祐中郡守趙鳳儀嘗一繕脩更歷四紀

風雨陵剝每憚其役重因循弗理公既分鎮署郡  
治頽而嘆曰是何得不葺然不可勞吾民乃遂出  
帑金治之於是工師遵才山澤出藏陸輸水轉遠  
近畢達陶人冶師咸子來梓匠效能出機若神  
弱變為強腐化而堅仆者以植歌者以貞缺折以  
完梁柱桓桓棟危聿隆巨細能因材庀庸新故  
相贊交致其功屹如虎踞翼若翬翥周阿峻直以  
通外飭塗之丹腹輝彩交燭無异撤其舊而新是  
作是役之費以兩計者二千有奇諸匠以工計者

二萬五千有奇役始癸卯冬十月壬是功而民  
不知擾郡屬文武官吏與其民士環立仰視莫不  
歎息而頌公之德咸謂公之報國也忠故其恤民  
也勤公之鎮溫也內清山賊外遏淮寇歲督海艘  
轉漕于京師每念僭亂未平寐不安枕游卒以  
為勁兵不浮費以充軍寔禮賢任能務農通賈民  
備增修而功寔益著至正十八年公以行省都鎮  
撫承鎮明年擢行樞密院判事又明年陞同令二  
十一年進僉書院事公之弟元帥亦陞判樞佐公

鎮明年拜閩省參政兼僉院鎮禦如故院判亦進  
秩同僉二十三年公陞江淞左丞同僉陞僉院明  
年進公右丞賜分省印章僉院復陞副樞朝廷倚  
任日隆公報効彌至公知邦本在民故勞民之事  
惟恐及焉况嚴譙政令所出無事治之克

也人其有寤矣彬祖以己亥冬未是邦月士  
民所狀多親見而知之者又茲役之美宜  
以示後來不文辭乃遂載其事於石公名

明善副樞名文舉是年歲在乙巳正月八日記

錄作由必曰薛某也某作良朋曾大父大父父名  
皆作某右丞忠簡上有故字下無景衡二字知鏡  
州餘干縣上有前字富陽縣尉尉作主簿上虞縣  
下有閩之馮熙二年進士八字末邑子以下六字  
無多藉此補正闕誤字法腴潤可喜全碑書官字  
皆作官亦與篆法合良朋舊郡縣志無專傳惟藉  
此誌以存其概且其祖父世系皆完全出止齋集  
之上亦可寶矣章伯奮開禧二年嘗為昌化令於  
雙溪驛建新亭竊立東坡祠三衢徐冠為之記見

咸瀉臨安志五十一舊郡志無伯奮傳今附識於  
此

宋沈樞等仙巖題名并詩正書

瀉熙丙午十一月二十一日郡守沈樞持要同倅周价  
德藩率而邑令丞陳孔光德溥劉龜從伯協王長世慶  
廷葉廣文文卿視修南塘飯于僊巖因觀梅雨潭張仲  
梓才卿甄良友雲卿謝雱李澤謝天錫元功陳傅良君  
舉林思純致約高子莫執中沈季豐儉夫偕來樞系之  
以詩莫訝多幽勝僊巖舊得名五潭俱卓絕二井更澄  
清領客欣同集磨崖記此行登臨有餘興恍若在蓬瀛  
右碑正書十行在瑞安縣僊巖梅雨潭嵌崖上字

徑二寸餘頗勁整沈樞安吉州人淳熙間知温州  
周价淳熙間通判陳孔先知永嘉縣劉龜從知瑞  
安縣竝見乾隆郡志王長世當是永嘉丞葉廣文  
當是瑞安丞舊志竝不載此可以補其闕同游者  
皆郡人內如謝元功林致約高執中沈儉夫諸人  
字皆藉此以傳僊巖宋人刻字極多此其冠矣

至正癸卯夏教授鮑□□台郡危士

至順庚午仲□

慶元丁巳郡守王煥章立 隸書

按此碑係宋郡守王煥章原刻舊在孤嶼謝公祠  
元至正己丑遷於郡學先賢祠即今鄉賢祠舊址

明成化丁酉摹刻於江心寺之謝公亭今舊碑在  
名宦祠內其上方有元時題名兩行至順一行僅  
五字至正一行存十二字教授鮑君名無攷郡志  
職官之教授亦無鮑姓按元史至正間温州學正  
鮑恂崇德人疑即此人也

宋郡守趙汝謐題名

嘉熙戊戌郡守趙汝謐

事暇

春 故址登

月明何處山

春書巖右是日

瑞安岑崎寶壇院後翠陰洞題名石刻 宋時名神列洞

翠陰

洞 三字正書 木徑二尺餘 旁款有鄒鉞書三字 不知何時人也 此外宋元明人題名甚多 未攝

續



宋葉適鐘銘

元瑞安縣志藝文鐘不知在何處

不律不呂非陽非陰破幽出昏以文為音悲爾含生  
如夢百沈各隨所聞復其本心

宋文丞相宿中川寺詩在文信國祠

萬里風霜鬢已絲飄零回首壯心悲羅浮山下雪未  
未揚子江心月照誰祇謂席頭非貴相不圖瓶乳有  
歸期乘潮一到中川寺暗度中興第二碑

元橫井巷大井石闌題字

天 至正庚寅

宿 臘月吉日

信士徐順道重建

右石刻在東門內華蓋山下井口四方橫列天宿  
二字於上字徑三寸許下八字兩行徑一寸許末  
行字又略小共十七字皆正書至正庚寅元順帝  
十年也

元大成殿先師像題跋

鳳儀來牧三年儒人林堽出示其祖式之所藏摹本

宣聖像迺宋開禧乙丑典教嚴陵日於大成殿前劖土  
所得古碑也德容之盛春溫秋肅與造化並他本皆不  
及敬鐫于石寘之甌類至治初元二月甲子亞中大夫  
溫州路總管內勸農事趙鳳儀謹識在下方

萬歷丙戌春余自閩抵甌越明年秋自敬步黃宮回翔  
聖座陰見一碣久仆塵土扶而諦觀之迺

先師像也余愀然肅然躬為洗磨溯其自来甚異夫聖

道如日中天余獲慶逢真像敬為修整摹以廣傳俾人共睹意者東甌文運之一新欵謹跋在右方  
庚寅秋望訓導閩人盧性愚識

萬歷辛丑春嚴陵余尚友教授甌庠見

先師像石碑一片在

聖座龕後且仆地起視前識乃嚴陵遺刻其來遠矣與  
寮友陳宗典徐紹先趙大蔭鍾仁寵亟請府修黌宮因  
同邑四尹周部議勅臺暨碑以肅瞻仰謹識在左方

按府志職官門金尚友遂安人金乃余字之訛宜據

碑改正陳宗典以下四人皆府訓導見郡志職官周  
部甯波人官永嘉典史四尹之稱其六猶之貳尹歟  
又按式之平陽人林待聘之孫由上舍釋褐郡志不  
言其為嚴州教授六殊疏漏

大成殿 先師像石碣記

甌郡庠大成殿 聖座後用方尺輒築小平臺約高四尺許上作小龕深一尺內有石碣陷壁間蓋

先師像也同治八年冬余教授甌庠越明年春仲恪共祀事洒掃殿庭仿佛見之奉違諦觀意必前明嘉靖前易像為主用勒貞珉以肅景仰而稽之志乘闕如也庠庠元明石刻碑記甚夥竊思詳加攷訂以補之迺命史子文僊恭榻一紙譜為至治初元温州路總管趙鳳儀摹鐫上石有款識題於下方計十三行共九十九字其

右旁四行小楷乃萬歷庚寅閩人盧性愚題跋計百有  
五其左亦有小楷四行為萬歷辛丑嚴陵余尚友題計  
八十二字皆本學校官石高二尺一寸濶一尺五寸像  
高一尺四寸自至治迄今五百五十有六年再起再仆  
字跡完好如新非

聖人靈爽式憑有神物為之護持何以得此真希世寶  
也昔勞宜齋司諭永嘉著甌江逸志阮文達公官浙最  
久刊有兩浙金石錄博攷旁蒐漏未採入豈顯晦有時  
歟抑大成殿後幽邃深嚴執事者非春秋二仲不登此

堂初不見有石焉即見亦不及審視故知者少歟他日  
敬謹裝潢懸講堂中仰見德容之盛如親炙闕里之堂  
堂有肅然起敬思無愧於聖人之徒者鄒魯之風再見  
於今日不獨都人士之幸亦司教者之厚幸也豈獨摩  
挲寶已哉乃誌其緣起俛錄諸人題跋於右以貽同好  
云

元太玉洞天古井題字

至治癸亥

此十六字楷書在太字

天

荆月丙申

外面亦係陽文字徑二

朱善敬立

莊嚴勝事

寸

右六字在永嘉學教諭署內聚英堂之右以青石

六方甃成井闌每方一字正書陽文大徑六寸相

傳王右軍書郡縣志云華蓋山有容成洞道書謂

天下第十八洞天黃帝時容成子於此上昇因名

容成太玉之天又有三生石五粒松石龜池丹井  
青牛塢金鷄嶺蒙泉諸勝勞大輿甌江逸志云永  
嘉學署有一井甚古相傳仙子所開水甘美異凡  
井上刻容成太玉洞天六字書法道古可愛舊傳  
王羲之筆又明王光蘊容成太玉洞天道院記舊  
傳有青牛谷五粒松三生石惜蕪沒不可復得惟  
煉丹井尚存邑庠之後即此孫雨人學博云井闌  
六字似真井無涉莊嚴勝事云々疑係容成道院  
之物道院改建在元時石刻亦為元至治年所立  
故阮相國兩浙金石志附入元刻金石文內以為  
元人所書差可徵信



元永嘉縣新學記

文林郎青江西等處儒學提舉東陽柳貫撰并書篆  
温州治永嘉今永嘉為上縣而温州為大府矣府有學  
縣亦有學猶黨庠遂序之異名而同以化民成俗為義  
也永嘉舊學在府城東取華蓋山下延祐甲寅燬明年  
令何君玉作禮殿三年令王君真作門廡講堂基構粗  
立而暨茨塗堊未底厥功越十四年為至順辛未令趙  
君塔納字敬叔繼至諗於衆曰縣實有民庶而能教則  
由教以之道而學其器也聖師臨之吾敢不飭務是擇

會同完

日授圖簡材比物士其羸工售其其巧凡新作絃誦之  
齋十六楹間而自殿及堂門闥窓瑣之當髹飾者庭雷  
陛卍之當加甍者咸考度以致其工像繪合章尊俎應  
式宿有次舍限有垣墉族庖計廩位置左右觸目具美  
不陋不奢既釋奠告成君復諗曰凡茲學功有賢庶侯  
以為之筦籥有縣長貳以為之鐘呂故吾得上下受畫  
以敦事於其間今庠苟完遊歌之徒亦稍集矣然則學  
豈徒器而已乎迺使來請文表示學者蓋古者學必有  
先聖 先師之祀自始入學而皮弁祭菜學入官而宵

雅肄三以夫人性本善而所以磨揉邊革卒要其成者  
猶有待於禮銘樂治之功則示之以敬道而責之以為  
治固必有其人焉耳禮五百家之黨萬二千五百家之  
遂有民斯有學在黨曰庠有黨正以蒞教治在遂曰序  
有遂大夫以明有功正歲之屬民讀灋所讀者非物之  
灋也三歲之帥吏興眡所興者三物之能也屬之帥之  
其人則正與大夫其事則學與教焉而已政何適而非  
教教何適而非道士生斯時見大節踐大義出聞詩禮  
之訓入謹仁讓之習樂其事勸其功人人有尊君親上

之心故曰官先事士先志夫已仕之事即未仕之志亦各有其職焉惟不以政自為政教自為教則興學以範民無非道器之所寓舍器而論道是謂誣道吾不謂之道矣趙君學古知方篤行自脩其為永嘉甫養月耳民既樂生士亦趨業君不以為泰而獨汲汲焉惟學之為務又欲徵吾言以伸傲之然則世之尚觀美而侈名譽者以為儒者例不知政何其謬耶泮宮既作而魯侯之德以明鄉校不毀而子產之仁益信謂吾稔於趙君而溢於辭豈知言哉是役也縣教諭信安沈元鼎實終始

宣勞法宜其得書書之所以嘉善而勸來壹是春秋之義也明年至順三年其歲壬申春二月甲子謹製

府提調官通議大夫温州路總管兼管內勸農事伯

答爾

承務郎永嘉縣達魯花赤兼勸農事脫阿

承務郎永嘉縣尹兼勸農事趙塔納

從仕郎永嘉縣丞曹洪 將仕郎永嘉縣主簿梁玉

永嘉縣尉李瑄 永嘉縣儒學教諭沈元鼎

按伯答爾郡志作伯達兒趙塔納郡志作趙塔納

浦陽人物志作大納季瑄郡志作季瑄六誤

唐司空圖仙巖寺銘未見搨本

巖之巔森戟棟天中宅靈仙瀑之作風幹洞壑地涌  
山鑿越之裔甌之隅人逸而腹某其師某其牧寺圮  
而復按康熙志棟作鏡涌作洵隅作岵未詳某是

吳越

錢鐸題記

篆書

鐸自庚辰載領郡於康樂巖重剏亭臺遍植花柳蕪華  
蓋山畔建置菓園口徑口口菓添奇章時甲申歲清明  
日彭城輔軒記以示後來

明劉恒謝巖觀二篆刻記青石碑在巖背篆刻有  
二其一云棘寺薛孺卿邑宰陳口之簿曹觀尉亭  
汶字方四寸許其一云鐸自庚辰載領郡於康樂  
巖重剏亭臺遍植花柳蕪華蓋山畔建置菓園口

口口口口添奇口時甲申歲清明日彭城輔軒記  
以示後來凡六行字參差不等蓋縮於石鐫其小  
者可方前篆也先是是刻余止識三十二字家兄  
識予所不識者一十四字鐫字初止見半金而華  
彷彿如車或疑為鍾詳其文勢必當時所刻創亭  
臺者名其不刻姓氏者以後彭城郡可互見也因  
其有領郡之云以郡志考之得唐刺史錢鐸而錢  
實彭城郡於是疑向所疑鍾為鐸猶未必按鐸在  
咸通中於西岑建瑞鹿寺即崇法教院也鐸舊志

作華予考瑞鹿寺建於咸通四年因四年并是刻  
庚辰甲申之云以通鑑考之咸通元年庚辰五年  
甲申止此合郡志中一字即四年爾由此推之輔  
軒蓋錢刺史字耳嘗問城南劉先生先生曰子考  
索詳矣但恐唐人無以軒居之號額代己姓氏者  
大凡書某軒某齋非古法也輔軒或即郡守姓名  
否則錢刺史記此而行文則出於輔軒未可知也  
予因劉先生之言又考吾郡秩官志實無輔姓軒  
名者竊意志或軼之七月八日丙寅復攜朱生道

昌往視時日光注射多不模糊而所疑鍾字實鐸  
字於是知彭城乃錢刺史書其郡望耳而輔軒抑  
豈其字歟舊志鐸作華又以見志紀者之謬也謝  
巖題刻多宋人筆而此則唐人云劉先生名翊博  
學能文章家兄名懌工篆書丙寅後三日劉恒記  
記後一百二十五日甲戌偶得圖繪寶鑑云錢鐸  
字輔軒武肅王兄也善丹青

阮元兩浙金石志四右刻在永嘉縣積穀山麓謝  
客巖文六行篆書徑四五寸不等郡縣志載鐸為

武肅王兄咸通間領郡事曾於西岑建瑞宸寺此  
題甲申者乃咸通五年也元按十國春秋鐸字輔  
軒為英顯王錢寬幼子武肅之胞弟也生時受武  
肅鞠育恩及武肅薨請服通喪以報之多藝善繪  
畫尤精音律承制累授溫明二州刺史文穆時除  
兩浙行軍司馬尋改本州團練使順化軍節度使  
封楚國公開運二年卒年五十五謚曰忠簡據此  
鐸當生於唐昭宗大順二年武肅於乾寧二年從  
石鏡將董昌討王郢之亂時年二十四則長於鐸

十九年矣若依志乘所載上溯咸通其時武肅尚  
未生焉得有弟領州郡是鐸任温州刺史在武肅  
建號改元之後庚辰為天寶十三年甲申為寶大  
元年今臨安海會寺經幢稱寶大元年歲次甲申  
是其證也

孤詒讓案錢鐸事亦允范坰林禹吳越備史八所載  
與十國春秋悉同蓋即吳任臣所本也惟云終年  
五十三少十國春秋二歲自開運二年遂推之當  
生於景福二年上距咸通庚辰凡三十三年阮文

溫州